



Broj: 01/1-50-1-24/07
Sarajevo: 07.11.2007. godine

Z A P I S N I K sa 24. sjednice Ustavnopravne komisije

Sjednica je održana dana 07.11.2007.godine s početkom u 10:00 sati.

Sjednici su prisustvovali članovi Komisije: **Šefik Džaferović, Lazar Prodanović, Ekrem Ajanović, Drago Kalabić, Momčilo Novaković i Adem Huskić.**

Članovi: **Martin Raguz, Halid Genjac i Velimir Jukić** su opravdano odsustvovali.

Pored članova Komisije sjednici su prisustvovali predstavnica Ministarstva pravde BiH Fazila Musić, i Salkić Suad iz Istraživačkog sektora Parlamentarne skupštine BiH.

Sjednici su prisustvovali Igor Bajić, sekretar Komisije i Nedžad Salman, stručni saradnik u Ustavnoj komisiji.

Predsjedavajući je otvorio raspravu o dnevnom redu u kojoj su učestvovali svi prisutni članovi Komisije. Drago Kalabić je predložio da se kao posebna tačka uvrsti razmatranje pitanja u vezi sa odlukama Visokog predstavnika. Momčilo Novaković je istakao da Komisija mora naći prostora za ova pitanja ali bilo bi dobro da se od Kolegija zatraže materijali i objašnjenja kako bi se do naredne sjednice mogli izjasniti o ovim pitanjima. Na kraju Šefik Džaferović je istakao da Komisija ne treba razmatrati ova pitanja prije nego što o njima odluči Kolegij doma.

Nakon rasprave Komisija je jednoglasno usvojila sljedeći

D N E V N I R E D :

1. Verifikovanje zapisnika sa 23. sjednice, održane dana, 18.10.2007. godine;
2. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagač Vijeće ministara BiH, **(Postupak u nadležnoj komisiji član 110. Poslovnika doma);**
3. Prijedlog zakona o izmjenama Zakona o Vijeću ministara BiH, predlagač poslanik Drago Kalabić, **(Postupak u nadležnoj komisiji član 110. Poslovnika doma);**
4. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagač Vijeće ministara BiH **(Usaglašenost sa ustavom BiH, pravnim sistemom i principi članovi 103. i 104. Poslovnika doma);**
5. Ostala pitanja:
 - Zahtjev Visokog sudskog i tužilačkog vijeća Bosne i Hercegovine za tumačenjem odredbe člana 15. Zakona o VSTV BiH, **(Razmatranje zahtjeva u skladu sa članom 137. stav (4) (5) i (6) Poslovnika Doma);**
 - Zahtjev za autentičnim tumačenjem člana 42. Zakona o javnom RTV sistemu BiH, podnosilac RTVBH, **(Razmatranje zahtjeva u skladu sa članom 137. stav (4) Poslovnika Doma);**
 - Zahtjev za autentičnim tumačenjem Zakona o javnim nabavkama, podnosilac Udruženje poslodavaca komunalne privrede u FBiH **(Razmatranje zahtjeva u skladu sa članom 137. stav (2) Poslovnika Doma);**

- Zahtjev za autentičnim tumačenjem člana 35. Zakona o zaštiti potrošača u BiH, podnosilac Enver Agić, **(Razmatranje zahtjeva u skladu sa članom 137. stav (2) Poslovnika Doma);**
- Zahtjev za autentičnim tumačenjem člana 23. stav (1) tačke c) i d) Zakona o javnim nabavkama Bosne i Hercegovine, ("Službeni glasnik BiH", broj:49/04,...70/06), podnosilac zahtjeva Raiffeisen bank BIH d.d. Sarajevo, **(Razmatranje zahtjeva u skladu sa članom 137. stav (2) Poslovnika Doma);**
- Zahtjev za autentičnim tumačenjem članova 93. i 97. Zakona o policijskim službenicima BiH, ("Službeni glasnik BiH", broj:27/04,63/04,5/06,33/06,58/06) ,podnosilac zahtjeva Sindikat Granične policije BiH ,**(Razmatranje zahtjeva u skladu sa članom 137. stav (2) Poslovnika Doma);**
- Inicijativa Centara civilnih inicijativa (CCI) za donošenje državne strategije za procesuiranje ratnih zločina, **(Razmatranje u skladu sa članom 41. stav (2) Poslovnika doma).**

Ad. 1. Verifikovanje zapisnika sa 23. sjednice, održane dana, 18.10.2007. godine;
Komisija je jednoglasno verifikovala Zapisnik sa 23. sjednice održane dana 18.10.2007. godine.

Ad. 2. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagач Vijeće ministara BiH, **(Postupak u nadležnoj komisiji član 110. Poslovnika doma);**

Komisija je jednoglasno prihvatila tekst Prijedloga zakona o izmjenama i dopunama Zakona o ministarstvima i drugim organima uprave Bosne i Hercegovine kako ga je predložilo Vijeće ministara BiH, te predlaže Predstavničkom domu da usvoji Zakon.

Ad. 3. Prijedlog zakona o izmjenama Zakona o Vijeću ministara BiH, predlagач poslanik Drago Kalabić, **(Postupak u nadležnoj komisiji član 110. Poslovnika doma);**

Komisija je, sa pet glasova „za“, bez glasova „protiv“ i jednim "uzdržanim" glasom, prihvatila tekst Prijedloga zakona o izmjenama Zakona o Vijeću ministara BiH kako ga je predložio poslanik Drago Kalabić, te predlaže Predstavničkom domu da usvoji Zakon.

Ad. 4. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagач Vijeće ministara BiH **(Usaglašenost sa ustavom BiH, pravnim sistemom i principi članovi 103. i 104. Poslovnika doma);**

Predsjedavajući je otvorio raspravu o predloženom Zakonu te se, kako nije bilo diskusije, pristupilo glasanju o usaglašenosti predloženog Zakona sa Ustavom BiH. Jednoglasno je utvrđeno da je Prijedlog zakona usaglašen sa Ustavom BiH i pravnim sistemom.

Komisija je, jednoglasno, podržala i principe Zakona.

Ad. 5. Ostala pitanja:

- Zahtjev Visokog sudskog i tužilačkog vijeća Bosne i Hercegovine za tumačenjem odredbe člana 15. Zakona o VSTV BiH, **(Razmatranje zahtjeva u skladu sa članom 137. stav (4) (5) i (6) Poslovnika Doma);**

Predsjedavajući je otvorio raspravu u kojoj su učestvovali svi prisutni članovi. Komisija je jednoglasno usvojila zaključak da se ova tačka skine sa dnevnog reda s obzirom da mišljenje Vijeća ministara BiH nije u potpunosti jasno, te da se na sljedeću sjednicu Komisije pozovu predstavnici Ministarstva pravde BiH i Ureda za reviziju institucija Bosne i Hercegovine.

- Zahtjev za autentičnim tumačenjem člana 42. Zakona o javnom RTV sistemu BiH, podnosilac RTV BiH, **(Razmatranje zahtjeva u skladu sa članom 137. stav (4) Poslovnika Doma);**

Predsjedavajući je otvorio raspravu u kojoj su učestvovali svi prisutni članovi Komisije nakon čega je jednoglasno usvojen sljedeći zaključak:

Ustavna komisija smatra da se ovaj Zahtjev ne odnosi na autentično tumačenje kojim se utvrđuje istinost, autentičnost, izvornost i pravilan smisao nedovoljno jasne odredbe zakona i drugog propisa, odnosno općeg akta kako propisuje odredba člana 137. stav (1) Poslovnika Predstavničkog doma, nego se odnosi na davanje mišljenja u rješavanju jedne pravne situacije, te da Kolegij dalje postupi u skladu sa svojim pravima i obavezama.

- Zahtjev za autentičnim tumačenjem Zakona o javnim nabavkama, podnosilac Udruženje poslodavaca komunalne privrede u FBiH (**Razmatranje zahtjeva u skladu sa članom 137. stav (2) Poslovnika Doma**);
Komisija je jednoglasno utvrdila da Zahtjev nije podnesen od strane ovlaštenog subjekta, kako propisuje odredba člana 137. stav (2) Poslovnika Predstavničkog doma Parlamentarne skupštine.
- Zahtjev za autentičnim tumačenjem člana 35. Zakona o zaštiti potrošača u BiH, podnosilac Enver Agić, (**Razmatranje zahtjeva u skladu sa članom 137. stav (2) Poslovnika Doma**);
Komisija je jednoglasno utvrdila da Zahtjev nije podnesen od strane ovlaštenog subjekta, kako propisuje odredba člana 137. stav (2) Poslovnika Predstavničkog doma Parlamentarne skupštine.
- Zahtjev za autentičnim tumačenjem člana 23. stav (1) tačke c) i d) Zakona o javnim nabavkama Bosne i Hercegovine, ("Službeni glasnik BiH", broj:49/04,...70/06), podnosilac zahtjeva Raiffeisen bank BIH d.d. Sarajevo, (**Razmatranje zahtjeva u skladu sa članom 137. stav (2) Poslovnika Doma**);
Komisija je jednoglasno utvrdila da Zahtjev nije podnesen od strane ovlaštenog subjekta, kako propisuje odredba člana 137. stav (2) Poslovnika Predstavničkog doma Parlamentarne skupštine.
- Zahtjev za autentičnim tumačenjem članova 93. i 97. Zakona o policijskim službenicima BiH, ("Službeni glasnik BiH", broj:27/04,63/04,5/06,33/06,58/06), podnosilac zahtjeva Sindikat Granične policije BiH, (**Razmatranje zahtjeva u skladu sa članom 137. stav (2) Poslovnika Doma**);
Komisija je jednoglasno utvrdila da Zahtjev nije podnesen od strane ovlaštenog subjekta, kako propisuje odredba člana 137. stav (2) Poslovnika Predstavničkog doma Parlamentarne skupštine.
- Inicijativa Centara civilnih inicijativa (CCI) za donošenje državne strategije za procesuiranje ratnih zločina, (**Razmatranje u skladu sa članom 41. stav (2) Poslovnika doma**).
Nakon kraće rasprave predsjedavajući je predložio, a ostali članovi komisije jednoglasno podržali prijedlog, da Kolegij doma inicijativu Centra civilnih inicijativa dostavi Vijeću ministara BiH na dalje postupanje.

Kako nije bilo drugih pitanja, predsjedavajući je zaključio sjednicu u 12:00 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović